

Leiðbeiningar fyrir Ambra, Solana, Cassia - microM



1. Merking fyrir hægra og vinstra
2. Rafhlöðuhólf, með kveikja og slökkva möguleika
3. kerfisstillir
4. Hljóðnemar með vind og veðravörn
5. Krókur, hljóðútgangur
6. Slanga
7. Hlustarstykki



Í rafhlöðuhólfinu er lítill punktur, rauður eða blár, sem segir til um í hvort eyrað tækið á að fara.

Rautt = hægra eyra **Blátt** = vinstra eyra

Rafhlöður


MicroM notar rafhlöður númer **312**

Þegar skipt er um rafhlöðu þarf að fjarlægja límmiðann sem er á rafhlöðunni. Það getur tekið rafhlöðuna smá tíma að fara í gang eftir að límmiðinn hefur verið fjarlægður.

Þegar rafhlaðan er sett í heyrnartækið, er rafhlöðuhólfið opnað og rafhlaðan sett í þannig að +merkið á rafhlöðunni sjáist, eins og sýnt er á myndinni hér til hliðar

Kveikt er á heyrnartækinu með því að loka rafhlöðuhólfinu.

Ef rafhlaðan er sett öfugt í kveiknar ekki á tækinu og rafhlöðuhólfið gæti skemmst.




Takkinn á MicroM

Hægt er að velja milli hvort takkinn er notaður til að stilla styrk (styrkstillir) eða til að velja á milli kerfa (kerfisval). Ræddu við heyrnarfræðing ef þú óskar að breyta notkunarmöguleika takkans


Styrkstillir:

Þegar takkinn er notaður sem styrkstillir er annað tækið notað til þess að hækka en hitt til að lækka.

vinstra tækið lækkar



hægra tækið hækkar



Kerfisval

Þegar takkinn er notaður sem kerfishappurinn gefst möguleiki á að skipta á milli sjálfvirks kerfis og einstaklingsbundinna kerfa. Hægt er að velja allt að 5 auka kerfi. Þegar þrýst er á takkann heyrir píp í tækjunum. Fjöldi pípa gefur til kynna hvaða kverfi hefur verið valið.

Fyrsta aukakerfi = eitt píp


Annað aukakerfi = tvö píp o.s.frv.



Þegar komið er aftur á sjálfvirkakerfið heyrir stuttur lagstúfur, sá sami og þegar kveikt er á tækinu.


Tækið sett í eyrað

- Notaðu þá hendi sem er sömu megin og eyrað sem heyrnartækið á að fara í. Taktu um hlustarstykkið milli þumalfingurs og vísifingurs. Lyftu hendinni að eyranu og passaðu að hlustarstykkið snúi að hlustinni
- Settu hlustarstykkið í hlustina. Ef það reynist erfitt að koma því fyrir getur verið gott að toga eyrað aðeins aftur á bak og upp um leið og hlustarstykkinu er komið fyrir.
- Settu nú heyrnartækið bak við eyrað. Passaðu að ekki snúist upp á slönguna.
- Ef erfiðlega gengur að koma hlustarstykkinu í eyrað getur verið gott að toga í eyrnarsnepilinn, eða efrihluta eyrnarblöðkunar, með lausu höndinni.
- Til að taka tækið úr eyranu skaltu taka um hlustarstykkið – ekki slönguna – og toga það varlega úr eyranu.




Hreinsun.

Eyrnamergur er ein algengasta ástæða þess að heyrnartæki starfar ekki eins og ætlast er til. Við daglega notkun eru líkur á að mergurinn þrýsti sér inn í hlustarstykkið og loki því fyrir eðlilega leið hljóðsins. Til að verjast þessu vandamáli er nauðsynlegt að þvo hlustarstykkið reglulega. Á myndaröðinni hér fyrir neðan sést hvernig þetta er gert. Gott getur verið að láta stykkið liggja í volgu sápuvatni yfir nótt og bursta það síðan. Áður en stykkið er tengt við tækið aftur þarf að blása vel í gegnum hljóðrásina (hægt að blása í gegnum slönguna). Athugið að skipta um slönguna ef hún er orðin stíf.



1. Losið hlustarstykkið frá tækinu



2-3. Hreinsið hljóð- og loftrásir með pinna



4. Leggið hlustarstykkið í ibleyti eða rennandi volgt vatn



5. Blásið vatnið úr rásunum

Símar:

Þegar talað er í síma með bak-við-eyrað heyrnartæki þarf hátalarinn í símtólinu að liggja við hljóðnema heyrnartækisins. Misjafnt er eftir símtækjum hvað styrkurinn er mikill og hversu nákvæmlega símtólið þarf að liggja upp að heyrnartækinu.

**Mikilvægt!**

1. Hafið rafhlöðuhólfíð opið þegar ekki er verið að nota heyrnartækið þannig að hugsanlegur raki nái að þorna.
2. Ef ekki á að nota heyrnartækið í lengri tíma geymdu það þá í öskjunni sem fylgdi með. Taktið rafhlöðurnar úr því og láttið rafhlöðuhólfíð vera opið. Gangið úr skugga um að tækið sé þurr áður en að öskjunni er lokað.
3. Skýlið heyrnartækinu fyrir raka og hita. Taktu heyrnartækin alltaf af þér áður en þú ferð í sturtu, bað, að synda eða þ.h. Ekki geyma heyrnartækið í heitum glugga eða í bílnum.
4. Það getur verið gott að eiga þurrkbox fyrir heyrnartækið. Heyrnarfræðingur getur ráðlagt þér um þrif á tækinu. Notaðu aldrei sápu eða önnur hreinsiefni á tækið.
5. Hárlakk, andlitskrem og aðrar snyrtivörur geta skemmt heyrnartækið. Taktu tækið af þér á meðan þú setur á þig snyrtivörur.
6. Ef þú finnur fyrir eymslum eða kláða undan tækinu hafðu þá samband við heyrnarfræðing.
7. Ef væl heyrir þegar tækið eru í eyranu getur verið að kúpullinn/skelin sé ekki nægilega langt inni í eyranu. Einnig gæti verið mergur í hlustinni.
8. Ef heyrnartækið virkar ekki þrátt fyrir að þú hafir skipt um rafhlöður skaltu hafa samband við Heyrnar- og talmeinastöðina. Mundu, ef þú ert með fjarstýringu, að koma með hana með ásamt heyrnartækinu.
9. **Gæludýr:** ef gæludýr eru á heimilinu er mjög mikilvæg, þegar ekki er verið að nota heyrnartækið, geyma það alltaf í lokuðu boxi á stað sem dýr ná ekki til. Hundar og kettir sækjast mjög í lyktina sem kemur af tækjum.